



Publicaziuns dalla vischnaunca, jamna 18

Damonda da baghegiar

Nr. 2012-1009/02

Datum da publicaziun: 4 da matg 2012

La patruna: Gabriella Hitz, Hardturmstrasse 130a, 8005 Turitg

Il representant: Maissen architectura ed immobilias SA, Via Alpsu 8, 7180 Disentis/Mustér

Object: Midada dil project per la construcziun d'ina casa nova d'ina habitaziun, parcelas 1833 e 1834, Via Plaun Sut 13, 7180 Disentis/Mustér

Il plans da construcziun ein deponi tier l'administraziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta-scretta dil recurrent ni da siu representant.

Disentis/Mustér, ils 1-5-2012

Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2011-1006/02

Paolo Camponovo, Via Serenella 31, 6976 Castagnola; midada dil project dalla surbaghegiada, construcziun d'ina casa da duas habitaziuns, parcella nr. 3640, Via Plauncas 4, 7180 Disentis/Mustér.

Nr. 2012-1024

Anna Maria Decurtins, Via Sontga Gada 1, 7180 Disentis/Mustér; sanaziun dalla casa, parcella 654, Via Sontga Gada 1, 7180 Disentis/Mustér.

Quellas lubientschas san vegnir contestadas enteifer 30 dis dapi la publicaziun el Fegl official dalla Surselva tier la Dertgira administrativa dil cantun Grischun.

Disentis/Mustér, igl 1. da matg 2012

Uffeci da baghegiar Disentis/Mustér

Revisiun parziala dil plan da quartier Acletta sid *Introducziun dalla procedura*

Enteifer igl intschess Acletta sid dalla vischnaunca da Mustér existan suandonts plans da quartier:

- Plan da quartier Acletta sid (entir perimeter) dils 9 da schaner 2002
- Plan da formaziun da quartier Alvezza, parcella 2290 dils 27 da mars 2002 (intschess parzial)
- Plan da formaziun da quartier Acletta sid, parcella 2292, dils 27 da mars 2002 (intschess parzial)

Tenor conclus dils 23 d'avrel 2012 comunichescha la suprastanza communal l'intenziun da reveder ils plans da quartier enteifer igl intschess Acletta sid. La revisiun dils plans da quartier preveda d'examinar ils plans da quartier existents, d'adattar ni d'abolir els, resp. Da relaschar in niev plan da quartier.

La procedura succeda sin fundament dallas prescripziuns dils art. 51 entochen 54 dalla lescha davart la planisaziun dil territori LPT ed art. 16 e 21 dall'ordinaziun davart la planisaziun dil territori dil cantun Grischun OPT. Igl intent ei d'adattar ils plans da quartier allas relaziuns semidadas.



Il plan da situaziun cugl intschess pertuccaus dalla revisiun dil plan da quartier ei publicaus naven dils **4 da matg entochen ils 4 da zercladur 2012** en casa communal (stanza nr. 10) duront las uras da spurtegl.

Encunter l'intenziun davart l'introducziun dalla procedura per la revisiun dil plan da quartier ed igl intschess pertuccau sa enteifer 30 dis dapi la publicaziun officiala vegnir inoltrau protesta alla suprazonza communal, caum postal 57, 7180 Disentis/Mustér. La protesta sto vegnir inoltrada a scret ed ei da motivar.

Disentis/Mustér, ils 30-4-2012
Suprazonza communal

Via Sogn Gions – Publicaziun officiala davart restricziuns da traffic

Ils 12 da mars 2012 ha la suprazonza communal decidu d'introducir per la Via Sogn Gions il suandont scamond:

Scamond da carrar per vehichels a motor (sig. 2.14) Excepiu survetsch d'apport

La mesiras previdas ein vegnidas sclaridas cun la polizia cantunala, che ha concediu ils 4 d'avrel 2012 il consentiment a basa d'art. 3, al. 3 e 4 dalla lescha davart il traffic stradal (SVG), art. 7, al. 1 e 2 dalla lescha introductiva tier la lescha federala da traffic (EGzSVG) ed art. 4 dall'ordinaziun tier la lescha introductiva tier la lescha federala da traffic (RVzEGzSVG).

Objecziuns e propostas en connex cun las mesiras da traffic previdas san vegnir inoltradas a scret enteifer 30 dis dapi la publicaziun el Fegl official dalla Surselva alla suprazonza communal, Caum postal 57, 7180 Disentis/Mustér.

Suenter haver examinau las objecziuns, decida la suprazonza communal e publichescha siu conclus el Fegl official cantunal cun la pussevkladad da contestar il conclus tier la Dertgira administrativa dil cantun Grischun.

Disentis/Mustér, ils 30-4-2012
Suprazonza communal

Controlla da habitonts *Naschientscha*

Jacqueline Luana Lutz, naschida ils 19 d'avrel 2012, feglia da Roger e Helen Lutz-Riedweg.

Purschida gratuita

La vischnaunca da Mustér porscha a ses habitonts la pussevkladad da visitar gratuitamein la Casa da traffic a Lucerna, www.verkehrshaus.ch. Al spurtegl dall'administraziun communal sa per mintga di digl onn vegnir retratg 5 entradas gratuitas. En quella purschida ei cunteniu:

- entrada gratuita ella Casa da traffic a Lucerna cun museum, planetarium, museum da Hans Erni
- teater da film IMAX per in prezi special (frs. 4.– reducziun)
- 10% rabat sin artechels ella stizun dil museum



Co füss ei da far inagada in'excursiun a Lucerna, forsa gest cun nezegiar la carta dil di per viagià cun quasi tut ils mieds da traffic publics en Svizra? Dapli informaziuns retscheveis Vus tier l'administraziun communal Mustér (telefon 081 920 36 36 ni e-mail: admin@disentis.ch).

Nus giavischein ina nunemblideivla aventura el museum il pli frequentau en Svizra.
Suprastonza communal

Clom d'urgenza 118 ***Preziadas vischinas, preziai vischins***

Onn per onn dat ei cass en nies cantun nua ch'ìls pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas persunas el Grischun! Plinavon daventan ils donn cun mintga minuta spiarsa pli gronds.

Perquei s'adressesin nus a Vus cun ina ferventa supplica: clamei ils pumpiers mo sur il clom d'urgenza 118. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas.

Ulteriuras informaziuns era davart la prevenziun anfleis Vus sin nossa pagina www.pumpiers-sursassiala.ch.

Engraziel per Vies sustegn! Vos pumpiers Sursassiala

Fiasta dalla Nossadunna da Fàtima

En honor dalla Nossadunna da Fàtima organisescha ina gruppa da persunas dil Portugal **sonda, ils 5 da matg 2012** ina messa e silsunter ina sentupada per in e scadin.

Program:

11.00 Messa en baselgia sogn Gions a Mustér
Sunter messa processsiun entochen la halla Cons

12.00–? Sentupada e divertiment cun uustria e musica avon ni en halla Cons

Cordial invit ad in e scadin che ha temps e plascher da passentar in pèr bialas uras e cheutras promover il contact denter las persunas digl'exteriur e la populaziun indigena.

Gruppa d'organisaziun portughesa

PCD Mustér ***Invit alla radunonza ordinaria***

Venderdis, ils 4 da matg 2012
allas 20.15 el hotel «La Furca».

Tractandas:

1. Beinvegni
2. Avegnir dalla partida locala
3. Elecziun suprastonza
4. Varia

A stedia participaziun envida
PCD Mustér, la suprastonza



Uniun fallun e cascharia Disla/Mustér

Sonda, ils 19 da matg 2012 ha liug a Disla/Mustér
«Il di svizzer dils mulins».

Nus mussein bugen a Vus nossa cascharia, nossa resgia, il fallun, il niev restaurau mulin da graun, che vegn mess quei di en funcziun, ed era il taler.

Ins sa era gentar tier nus.

A tuts in cordial beinvegni
la suprastonza e l'entira uniun

Concert dil Chor viril Lumnezia

Gievgia (Anceinza), ils 17 da matg 2012
allas 20.15 en baselgia s. Gions a Mustér.

Direcziun: Clau Scherrer.

Nus selegrein da Vossa viseta.
Chor viril Lumnezia

Uniun da dunnas Mustér **Cuors agid d'urgenza «Refresher»**

L'uniun da dunnas Mustér organisescha in cuors per refrestgentar las enconuschientschas fundamentalas dil cuors agid d'urgenza (Nothilfekurs).

Menadra: Uniun samaritana Mustér
Datum: mesjamna, ils 23 da matg 2012
Temps: 19.00–22.00
Liug: local uniun da dunnas Mustér

Annunzias: ein da far entochen ils 14 da matg 2012
tier: Yvonne Flepp, tel. 081 947 50 35, e-mail: yvonne.flepp@kns.ch
Sigrid Loretz tel. 081 947 40 29, e-mail: sigrid_loretz@hotmail.com

Uniun samaritana Mustér

Nies proxim exercezi meinsil ha liug:

Gliendisdis, ils 14 da matg 2012 allas 19.30
en casa da scola, Cons.

A stedia participaziun envida
la presidenta



Cuors agid d'urgenza «Refresher»

L' Uniun samaritana Mustér organisescha in cuors per refrestgentar las enconuschientschas fundametalas dil cuors agid d'urgenza (Nothilfekurs).

Datum: Mesjamna, ils 23 da matg 2012 dallas 19.00–22.00

Liug: Casa da scola, Mustér

Annunzias: Ein da far entochen ils 14 da matg 2012

tier: Yvonne Flepp, tel. 081 947 50 35, e-mail: yvonne.flepp@kns.ch

Societad da tir Desertina

Tir obligatori

Anceinza, 17-5-2012, 18.00–20.00

Gliendisdis Tschuncheismas, 28-5-2012, 18.00–20.00

Dumengia, 19-8-2012, 17.30–19.00

Il tir liber ha liug mintga gievgia dallas 18.30–20.30 entochen ils 21-6-2012.

Cordialmein envida
la suprastanza

Amarenda e Center sursilvan d'agricultura

Agricultura – Amarenda presenta

Mira sut Sumvitg!

Ludoteca Mustér

Liug/Ort: Halla Cons, tel. 076 494 39 92

e-mail: ludoteca@disentis.ch

Uras d'avertura/Öffnungszeiten:

Gliendisdis/Montag: 18.30–20.00

Gievgia/Donnerstag: 16.00–17.30

Venderdis/Freitag: 18.30–20.00

Biblioteca populara Disentis/Mustér

Dibiost.ch: cudischs, films e musica cun in clic! ... e nus mussein a Vus co ei funcziunescha!

Demonstraziun da Dibiost.ch per clients e per personas interessadas:

gliendisdis, ils 7 da matg 2012 allas 20.00 en biblioteca.

*Biblioteca populara Disentis/Mustér e
Nervenschoner Informatik GmbH*



Biblioteca populara Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar.

Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger . . . tedlar . . . mirar . . . !

Nus selegrein da mintga viseta.

Biblioteca populara Mustér
